

OPĆINSKO VIJEĆE ČELIĆ



S L U Ź B E N I G L A S N I K

GODINA : XXIX

- 18.12.2023. -

BROJ: 7/2023

*Službeni glasnik izlazi po potrebi
Izdaje : Stručna služba Općinskog vijeća, Općinskog načelnika i zajedničkih poslova*

**25. REDOVNA SJEDNICA OPĆINSKOG VIJEĆA ČELIĆ
OD 15.12.2023. GODINE**

1.	ODLUKA o poništenju Odluke o gubitku statusa nepokretnosti, broj: 01-31-2070/19 od 15.12.20223. godine	3
2.	PLAN I PROGRAM održavanja javne rasvjete na području općine Čelić za 2024. godinu, broj: 01-45-3902/22 od 15.12.20223. godine	4
3.	ODLUKA o davanju saglasnosti na Cjenovnik usluga održavanja javne rasvjete na području općine Čelić za 2024. godinu 01-45-3902/22 od 15.12.20223. godine	8
4.	ODLUKA o usvajanju nacrtu budžeta općine Čelić za 2024. godinu, broj: 01-11-3439/23 od 15.12.20223. godine	12
5.	RJEŠENJE o izmjeni Rješenja o imenovanju Komisije za izlaganje na javni uvid podataka premjera i katastarskog klasiranja zemljišta za katastarsku općinu –K.O. Visori, broj: 01-45-1047/22 od 15.12.20223. godine	13

Na osnovu člana 7. stav (3) i (4) Zakona o stvarnim pravima Federaciji Bosne i Hercegovine ("Službene novine Federacije Bosne i Hercegovine", broj: 66/13 i 100/13) i), člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09) i člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće Čelić na 25. redovnoj sjednici održanoj dana, 15.12.2023. godine, donosi:

ODLUKU
o poništenju Odluke o gubitku statusa nepokretnosti

Član 1.

Poništava se Odluka o gubitku statusa nepokretnosti broj: 01-31-2070/19 od 07.02.2022. godine, a koja je objavljena u "Službenom glasniku općine Čelić" broj: 1/2022.

Član 2.

Ova Odluka stupa na snagu danom donošenja, a objavit će se u "Službenom glasniku Općine Čelić".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE

PREDSJEDAVAJUĆI
Mustafa Ljaljić s.r.

Broj: 01-31-2070/19
Čelić, 15.12.2023.godine

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 3. stav 1. tačka 12. Zakona o komunalnim djelatnostima („Službene novine TK“, broj: 11/21-prečišćen tekst), člana 5. stav 1. tačka 13., člana 17. stav 1. tačka 1. alineja 3., člana 176. stav 3.i člana 179. Odluke o vršenju komunalnih djelatnosti i komunalnom redu („Službeni glasnik općine Čelić“, broj: 1/22, 4/22, 7/22, 3/23 i 6/23) i člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće Čelić na 25. redovnoj sjednici održanoj dana, 15.12.2023. godine, usvaja:

PLAN I PROGRAM održavanja javne rasvjete na području općine Čelić za 2024. godinu

OPĆE NAPOMENE

Zakonom o komunalnim djelatnostima („Službene novine TK“, broj:11/21-prečišćen tekst) i Odlukom o vršenju komunalnih djelatnosti i komunalnom redu definisana je djelatnost zajedničke komunalne potrošnje- „održavanje javne rasvjete“.

Pod održavanjem javne rasvjete podrazumijeva se održavanje objekata i uređaja javne rasvjete kojom se osvjetljavaju prometne i druge površine.

U Budžetu Općine Čelić za 2024. godinu na poziciji 613727- održavanje javne rasvjete, javna rasvjeta planirana su sredstva za ostvarivanje ovog Programa u domenu održavanja, modernizacije, povećanja energetske efikasnosti, rekonstrukcije postojeće rasvjete, u iznosu od 30.000,00 KM.

Sredstva za održavanje javne rasvjete obezbjeđuju se iz:

1. Budžeta Općine
2. Komunalne naknade
3. Drugih izvora (donacije, grant i sl.)

UPRAVLJANJE ODRŽAVANJEM JAVNE RASVJETE

Upravljanje održavanjem javne rasvjete je u nadležnosti Službe za urbanizam, stambeno-komunalne, imovinsko-pravne i geodetske poslove općine Čelić.

U skladu sa članom 17., članom 176. stav 3. Odluke o vršenju komunalnih djelatnosti i komunalnom redu usluga održavanja javne rasvjete povjerava se JKP „Čistoća“ d.o.o Čelić.

U skladu sa navedenom Odlukom, Općinsko vijeće za svaku kalendarsku godinu donosi Plan i program održavanja javne rasvjete, na osnovu kojeg Općinski načelnik ili lice kojeg on ovlasti zaključuje Ugovor sa davaocem komunalne usluge održavanja SJR, JKP „Čistoća“ d.o.o. Čelić.

Osnov za donošenje Plana i programa održavanja javne rasvjete je postojeće stanje javne rasvjete koje se utvrđuje na osnovu uspostavljene evidencije javne rasvjete i iznosa sredstava koja se planiraju Budžetom Općine Čelić za ovu namjenu.

Održavanje SRJ može biti: redovno i vanredno održavanje.

Redovno održavanje javne rasvjete obuhvata:

- Pregled i periodično provjeravanje elektroenergetskih postrojenja, objekata i uređaja javne rasvjete radi utvrđivanja njihovog stanja i pogonske sposobnosti;

- Zamjena dotrajalih svjetiljki;

- Zamjena sijalica, prigušnica, upaljača i zaštitnog stakla, shodno evidentiranom kvaru;

- Zamjena dotrajalih stubova;

- Zamjena i rekonstrukcija dotrajale mrežne i gromobranske instalacije javne rasvjete;

- Zamjena oštećene upravljačke armature paljenja i gašenja;
- Zamjena u upravljačkom ormaru;
- Bojanje i zaštita stubova javne rasvjete;
- Mjerenje i ispitivanje.

Vanredno održavanje javne rasvjete obuhvata:

- Pregled postrojenja radi utvrđivanja i otklanjanja posljedica vremenskih nepogoda (oluja, snijeg, poplava, požar, klizanje terena i sl.)
- Hitne intervencije na otklanjanju uočenih nedostataka i oštećenja na objektima i uređajima javne rasvjete, isključenje iz pogona sa ciljem sprječavanja ugrožavanja sigurnosti pogona.

UNAPREĐENJE SISTEMA JAVNE RASVJETE NA PODRUČJU OPĆINE ČELIĆ U 2023.GODINI

Na osnovu Plana i programa održavanja javne rasvjete na području općine Čelić za 2023.godinu („Službeni glasnik općine Čelić“, broj: 8/22), zaključen je Ugovor o održavanju sistema javne rasvjete na području općine Čelić broj: 02-45-16/23 od 04.01.2023. godine na osnovu kojih akata su se realizirale aktivnosti redovnog i vanrednog održavanja objekata i uređaja javne rasvjete.

Napomene radi, većina starih rasvjetnih tijela su postavljena prije više godina, te imaju bitno smanjenu reflektirajuću sposobnost uslijed onečišćenja i starenja materijala. Za navedena rasvjetna tijela smatra se da imaju primijetne gubitke, gdje je u konačnici cilj, u skladu sa mogućnostima Budžeta, sredstvima od viših nivoa vlasti, drugim raspoloživim sredstvima i namjenskim sredstvima od eventualnih Programa, ići ka modernizaciji SJR, iste zamijeniti ekonomičnijim i modernijim varijantama koje zadovoljavaju sve zahtjeve u pogledu zaštite od svjetlosnih onečišćenja. Tokom 2023. godine učinjen je osjetan pomak na navedenom polju na način da se izvršilo proširenje sistema javne rasvjete sa cca 140 novih stubova javne rasvjete i dosta više rasvjetnih tijela, gdje su stara rasvjetna tijela mijenjana modernijim i učinkovitijim.

Općina Čelić je Budžetom za 2023.godinu na ime održavanja javne rasvjete planirala iznos od 20.000,00 KM, od kojeg iznosa do danas je utrošeno nepunih 9.000,00 KM.

Međutim, zahvaljujući apliciranju na projekte prema Ministarstvu za rad, socijalnu politiku i povratak TK Općina Čelić je proširila i modernizovala sistem javne rasvjete za 153.129,60 KM, te od Ministarstva prostornog uređenja i zaštite okolice Općina je dobila iznos od cca 120.000,00 KM koji je utrošen na proširenje sistema javne rasvjete.

PROCEDURA ODRŽAVANJA SISTEMA JAVNE RASVJETE

Evidenciju SJR na području Općine Čelić, izradu potrebne dokumentacije i obradu podataka o objektima i uređajima javne rasvjete, kao i njihovoj gradnji, tehničkim karakteristikama i načinu korištenja, vođenje dokumentacije o pregledima objekata i uređaja, te izvršenim radovima i uslugama na SJR vodi Služba za urbanizam, stambeno-komunalne, imovinsko-pravne i geodetske poslove općine Čelić (u daljem tekstu: nadležna služba).

Prikupljanje podataka sa terena o stanju javne rasvjete vrši uposlenik nadležne Službe po ovlaštenju Općinskog načelnika.

Specifikaciju potrebnih radova priprema ovlašteni zaposlenik, gdje se za svaku specifikaciju radova otvara poseban predmet. Za otvoreni predmet izdaje se nalog davaocu komunalne usluge održavanja za izvođenje radova koji potpisuje Općinski načelnik ili drugo lice kojeg Općinski načelnik pismeno ovlasti. Nadzor nad izvođenjem radova na održavanju javne rasvjete vršit će ovlašteni zaposlenik nadležne Službe.

Prije izvođenja radova na terenu davalac usluge održavanja obavezan je prijaviti početak izvođenja radova naručiocu usluge. Naručilac usluge obavezan je po završetku radova primiti izvedene radove, na osnovu kojih davalac usluge izrađuje fakturu koja mora biti potpisana od strane Općinskog načelnika ili lica kojeg on pismeno ovlasti.

Kvarovi na SJR prijavljuju se nadležnoj Službi, koja će voditi knjigu kvarova. Nadležna Služba će pismeno ili usmeno, po saznanju za nastanak kvara, obavijestiti davaoca komunalne usluge održavanja javne rasvjete. Davalac komunalne usluge održavanja dužan je ukloniti kvar odmah, a najkasnije 4 dana od dana prijema obavijesti.

Na osnovu naprijed navedenog, neki od radova i materijala koji su neophodni za održavanje SJR na području općine Čelić za 2024.godinu, na osnovu dosadašnjeg iskustva su prikazani u tabeli kako slijedi:

ODRŽAVANJE JAVNE RASVJETE (cijele godine u zavisnosti od uslova i potreba)
1. Nabavka i ugradnja metalnog stuba ulične rasvjete. Stub treba da bude zaštićen cinkanjem ili farbanjem. Dvosegmentni metalni stub visine h=5m, trosegmentni metalni stub visine h=6m, trosegmentni metalni stub visine h=7m
2. Nabavka i ugradnja konzolnih nosača(lira) za rasvjetna tijela sa potrebnim obujmicama ili šelnama za metalne i betonske stubove
3. Demontaža i skladištenje drvenih stubova korištenih za uličnu rasvjetu
4. Mašinski iskop kanala za polaganje i zagrtanje elektro kabla
5. Sječenje asfalta ili betona
6. Pneumatsko podbušivanje kolovoza za prolaz elektro kablova i postavljanje PVC cijevi fi 70
7. Isporuka i polaganje podzemnog energetskog kabla PPOO-4 bakarnih i aluminijskih
8. Nabavka i postavljanje nadzemnog energetskog kabla
9. Nabavka i provlačenje kroz metalni stub kabla PPOO
10. Iскоп zemlje i betoniranje stopa za met. stub ulične rasvjete
11. Nabavka i ugradnja ovjesne i zatezne opreme za SKS kabal
12. Nabavka i ugradnja spojnog materija za kabal SKS, spajanje pokidanog SKS
13. Nabavka, provlačenje kroz stub i spjanje kabla
14. Nabavka i montaža ormara za smještaj tajmera i osigurača, nabavka tajmera i automatskih, Patron, nožastih osigurača, podešavanje tajmera
15. Nabavka i ugradnja štednih sijalica
16. Nabavka i ugradnja led uličnog rasvjetnog tijela min.garantni rok 5 godina

Davalac komunalne usluge održavanja javne rasvjete dužan je osigurati njihovo trajno i kvalitetno obavljanje, tako da objekti i uređaji javne rasvjete budu neprekidno u stanju funkcionalne ispravnosti.

U slučaju da davalac komunalne usluge održavanja javne rasvjete bez opravdanog razloga ne obavlja poslove po nalogu Općinskog načelnika u periodu dužem od 15 dana, Općina ima pravo na raskid ugovora i prije isteka perioda na koji je zaključen, u kojem slučaju se provodi postupak za izbor lica za obavljanje poslova održavanja javne rasvjete, u skladu sa odredbama Zakona o komunalnim djelatnostima.

Ako davalac komunalne usluge održavanja javne rasvjete poslove ne obavlja u skladu sa ovim Planom i programom održavanja i potpsanim Ugovorom, odgovara ugovornom organu za svu štetu koja bi mu time bila nanesena.

U slučaju da davalac komunalne usluge održavanja iz opravdanih razloga nije u stanju da postupi po nalogu, Općinski načelnik može obavljanje tog dijela poslova privremeno, do okončanja predmetnih radova, povjeriti drugom pravnom licu koje ispunjava uslove za obavljanje komunalnih djelatnosti propisane Zakonom o komunalnim djelatnostima.

Ukoliko se pojavi potreba za izvođenjem radova koji nisu navedeni u ovom Planu i programu, za iste će se utvrditi cijena obostranim usaglašavanjem, u zavisnosti od vrste i obima radova, te angažovane mehanizacije i radne snage.

Redovito i sistemsko održavanje SJR doprinosi povećanju energetske efikasnosti javne rasvjete, smanjenju troškova, te općoj sigurnosti na javnim površinama. Stoga su sve općinske službe, građani i dobronamjernici pozvani da eventualno uočene kvarove i neispravnosti u radu javne rasvjete dojavu Općini u najkraćem mogućem roku.

Plan i Program održavanja SJR za 2024. godinu je okvirni i zasnovan na analizi kvarova i situacija na SJR u proteklih nekoliko godina, sa posebnim akcentom na 2023.godinu. Planom i Programom su definisani sa opisom radovi za kojima najčešće postoji potreba na terenu, gdje se ovaj put tražilo da se izlazak kamiona sa korpom do mjesta intervencije i rad kamiona sa korpom na samom mjestu intervencije zasebno odvoji od pružanja osnovne usluge, radi veće transparentnosti utroška sredstava.

Programom planirane aktivnosti na održavanju SJR, na osnovu iskustvenih podataka, orijentaciono se odnose na aktivnosti prikazane u tabeli koja je sastavni dio ovog Plana i programa.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PREDSJEDAVALAČI

Mustafa Ljaljić s.r.

Broj: 01-45-3902/22
Čelić, 15.12.2023. godine

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), Zakona o komunalnim djelatnostima („Službene novine TK“, broj:11/21-prečišćen tekst), Odluke o vršenju komunalnih djelatnosti i komunalnom redu („Službeni glasnik općine Čelić“, broj: 1/22, 4/22, 7/22, 3/23 i 6/23), Plana i programa održavanja javne rasvjete na području općine Čelić za 2024. godinu broj: 01-45-3902/22 od 15.12.2023. godine („Službeni glasnik općine Čelić“, broj: 7/2023) i člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće Čelić na 25. redovnoj sjednici održanoj dana, 15.12.2023. godine, donosi:

O D L U K U

o davanju saglasnosti na Cjenovnik usluga održavanja javne rasvjete na području općine Čelić za 2024. godinu

Član 1.

Daje se saglasnost na Cjenovnik usluga održavanja javne rasvjete na području općine Čelić za 2024.godinu JKP „Čistoća“ d.o.o. Čelić broj: 02-1126/23 od 07.12.2023. godine.

Član 2.

Cjenovnik usluga održavanja javne rasvjete na području općine Čelić za 2024.godinu primjenjivat će se u periodu od 01.01.2024.godine do 31.12.2024.godine, odnosno za period primjene Plana i programa održavanja javne rasvjete na području općine Čelić za 2024. godinu broj: 01-45-3902/22 od 15.12.2023. godine.

Član 3.

Ukoliko se pojavi potreba za izvođenjem radova koji nisu navedeni u Planu i programu održavanja javne rasvjete na području općine Čelić za 2024. godinu broj: 01-45-3902/22 od 15.12.2023. godine i Cjenovniku usluga održavanja javne rasvjete na području općine Čelić za 2024. godinu, za iste će se utvrditi cijena usaglašavanjem između Općinskog načelnika i davaoca usluga, u zavisnosti od vrste i obima radova, te angažovane mehanizacije i radne snage.

Član 4.

Sastavni dio ove Odluke čini Cjenovnik usluga održavanja javne rasvjete na području općine Čelić za 2024.godinu JKP „Čistoća“ d.o.o. Čelić broj: 02-1126/23 od 07.12.2023.godine.

Član 5.

Ova Odluka stupa na snagu danom donošenja, a bit će objavljena u “Službenom glasniku općine Čelić”.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PREDSJEDAVALAČI

Mustafa Ljaljić s.r.

Broj: 01-45-3902/22
Čelić, 15.12.2023. godine



Sjedište: Ul. Alije Izetbegovića 53-2, Čelić, Tel/fax 0038735668000 i 0038735668001, E-mail: jkpcistocadoocelic@hotmail.com; Identifikacioni broj: 4209645960000, PDV broj: 209645960000, Poreski broj: 03560769 Računi: NLB banka račun br: 1322200311639511; Sparkasse bank račun br:1990500006834230

Broj: 02-1126/23
Čelić, 07.12.2023. godine

Na osnovu odredbi člana 21. Zakona o komunalnim djelatnostima („Službene novine Tuzlanskog kantona“ broj 11/21), člana 22. Statuta JKP „Čistoća“ d.o.o. Čelić (broj: 01-25/23 od 06.01.2023. godine) i člana 4. i člana 5. Pravilnika o uslovima i načinu formiranja cijena (broj: 02-227/23 od 03.03.2023. godine) Nadzorni odbor na trideset četvrtoj (34.) redovnoj sjednicu održanoj dana 07.12.2023. godine donosi

CJENOVNIK
usluga na održavanju javne rasvjete na području općine Čelić

R.br.	NAZIV	Jedinica mjere	Količina	CIJENA
1	Iskop zemlje i betoniranje stopa za met.stub ulične rasvjete sa postavljanjem anker korpe, trake za uzemljenje(3,0m) i fleksibilnog crijeva fi 30 (2,0m). Betonska stopa je dim.0,5x0,5x0,6 m.Višak zemlje odvući na deponiju.(Uračunata nabavka materijala)	kom	1,00	110,00
2	Nabavka i ugradnja metalnog stuba ulične rasvjete. Stub treba da bude zaštićen cinkanjem ili farbanjem. -dvosegmentni metalni stub visine h=5,0m -trosegmentni metalni stub visine h=6,0m -trosegmentni metalni stub visine h=7,0m	kom	1,00	590,00
		kom	1,00	650,00
		kom	1,00	710,00
3	Nabavka i ugradnja konzolnih nosača(lira) za rasvjetna tijela sa potrebnim obujmicama ili šelnama. -za metalni stub - za betonski stub	kom	1,00	135,00
		kom	1,00	150,00
4	Demontaža i skladištenje drvenih stubova korištenih za uličnu rasvjetu.	kom	1,00	80,00
5	Mašinski iskop kanala za polaganje elektro kabla i zagrtanje istog.(transport bagera 50,0 KM)	m	1,00	11,00
6	Sječenje asvalta ili betona. do 15,0 m	m	1,00	13,00
	preko 15,0 m	m	1,00	8,00

7	Pneumatsko podbušivanje kolovoza za prolaz elektro kabla i postavljanje PVC cijevi fi 70	m	1,00	50,00
8	Isporuka i polaganje podzemnog energetskog kabla PPOO-4			
	4X10mm Cu (bakarni)	m	1,00	19,00
	4x16mm Cu (bakarni)	m	1,00	26,00
	4x10 mm Al (aluminij)	m	1,00	11,00
	4x16 mm Al (aluminij)	m	1,00	12,50
U cijenu uračunato postavljanje GAL štitnika i signalne trake iznad kabla.				
9	Nabavka i postavljanje nadzemnog energetskog kabla SKS			
	2X16 mm Al Aluminij)	m	1,00	2,50
	4x16 mm Al(Aluminij)	m	1,00	4,20
10	Nabavka i provlačenje kroz metalni stub kabla PPOO			
	3x1,5 mm	m	1,00	3,00
	3x2,5 mm	m	1,00	4,00
11	Nabavka i ugradnja ovjesne i zatezne opreme za SKS kabal 2x16m i 4x14 mm.			
	-nosne stezaljke	kom	1,00	10,00
	-zatezne stezaljke	kom	1,00	10,00
12	Nabavka i ugradnja spojnog materija za kabal SKS 2x16mm i 4x16mm.			
	-spojne kleme	kom	1,00	5,00
	-termospojnice sa čahurama	kom	1,00	12,00
13	Nabavka,provlačenje kroz stub i spjanje kabla PF 10mm.	m	1,00	3,50
14	Nabavka i montaža ormara z smještaj tajmera i osigurača. CP5001 280X210X130 mm IP65	kom	1,00	55,00
15	Nabaka i ugradnja tajmera za regulisanje rada ulične rasvjete i kontaktera.	kom	1,00	150,00
16	Nabavka i ugradnja automatskih osigurača 6 ,10 , ili 16A.	kom	1,00	8,00

17	Nabavka i ugradnj PATRON osigurača Fr 3-63 A	kom	1,00	6,00
18	Nabavka i ugradnjka nožastih osigurača 16A-125A	kom	1,00	12,00
19	Nabavka i ugradnja štednih sijalica do 30W,230V u postojeću svjetiljku ugrađenu na stub.	kom	1,00	16,00
20	Nabavka i ugradnja led uličnog rasvjetnog tijela minimalni garantni rok 5 godina.. 25-39 W	kom	1,00	170,00
		50 W	kom	1,00
21	Podešavanje tajmera ulične rasvjete(cca 1 mjesečno) Obračun po komadu.(mjernom mjestu , 25 kom.)	kom	1,00	5,00
22	Spajanje pokidanog SKS .Uračunate termoskupljajuće spojnice i odgovarajuće čahure.Obračun po spoju.	kom	1,00	12,00
23	Izlazak kamiona sa korpom do odredišta(mjesta intervencije).Obračun po kilometru(odlazak-dolazak)	km	1,00	1,40
24	Rad kamiona sa korpom na samom radilištu(mjestu intervencije).Obračun po satu.	h	1,00	60,00

Cijene u tabelarnom prikazu Cjenovnika date su bez uračunatog PDV-a.

Stupanjem na snagu ovog Cjenovnika prestaje da važi Cjenovnik održavanja javne rasvjete broj: 02-1454-1/23 od 09.12.2022. godine.

Cjenovnik stupa na snagu i počinje sa primjenom od dana dobijanja saglasnosti Općinskog vijeća Općine Čelić.

Predsjednik Nadzornog odbora

Redžić Delila s.r.
Bachelor socijalni pedagog

Na osnovu člana 25. Zakona o Budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, i 5/18, 11/19, 99/19 i 25a/22), člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 24. Statuta općine Čelić („Službeni glasnik općine Čelić“ broj: 3/2017), Općinsko vijeće Čelić na 25. redovnoj sjednici održanoj dana, 15.12.2023. godine d o n o s i

O D L U K U
o usvajanju nacрта budžeta općine Čelić za 2024. godinu

Član 1.

Donosi se Odluka o usvajanju nacрта budžeta općine Čelić za 2024. godinu i isti se upućuje u javnu raspravu.

Član 2.

Odluka stupa na snagu odmah, a objavit će se u "Službenom glasniku općine Čelić".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PREDSJEDAVAJUĆI

Mustafa Ljaljić s.r.

Broj: 01-11-3439/23
Čelić, 15.12.2023. godine

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE

Broj: 01-45-1047/22
Čelić, 15.12.2023.godine

Na osnovu člana 13. Zakona o principima lokalne samouprave u FBiH ("Službene novine Federacije BiH", broj: 49/06 i 51/09), člana 69. Zakona o premjeru i katastru nekretnina ("Službeni list SRBiH", broj: 22/84, 12/87, 26/90 i 36/90, "Službeni list RBiH", br. 4/93 i 13/94), odredbi člana 4. Uredbe o izlaganju na javni uvid podataka premjera i katastarskog klasiranja zemljišta ("Službene novine FBiH", broj: 92/16) i člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće općine Čelić na 25. redovnoj sjednici održanoj dana, 15.12.2023. godine, d o n o s i :

R J E Š E N J E

o izmjeni Rješenja o imenovanju Komisije za izlaganje na javni uvid podataka premjera i katastarskog klasiranja zemljišta za katastarsku općinu –K.O. Visori

Član 1.

Mijenja se član 2. stav 1. tačka 1. i 2. Rješenja o imenovanju Komisije za izlaganje na javni uvid podataka premjera i katastarskog klasiranja zemljišta za katastarsku općinu – K.O. Visori broj: 01-45-1047/22 od 01.04.2022. godine i od 29.12.2022. godine i glasi:

- “1. za predsjednika: Enesa Mehmedović, dipl. pravnik
2. za zamjenika predsjednika: Azra Imširović, dipl.pravnik”.

Član 2.

Ostale odredbe Rješenja ostaju nepromijenjene.
Ovo Rješenje čini stastavni dio Rješenja broj: 01-45-1047/22 od 01.04.2022. godine i broj: 01-45-1047/22 od 29.12.2022. godine.

Član 3.

Ovo Rješenje stupa na snagu danom donošenja, a bit će objavljeno u “Službenom glasniku općine Čelić”.

PREDSJEDAVAJUĆI

Mustafa Ljaljić s.r.